

# **Illulioriternermi oqartussaassuseq pillugu Namminersornerullutik Oqartussat nalunaarutaat nr. 13, 18. august 2006-imeersoq**

Nunaminertat atorneqartarnerat pilersaarusionerlu pillugit Inatsisartut peqqussutaanni nr. 6-imi, 19. december 1986-imeersumi, Inatsisartut peqqussutaatigut nr. 1-ikkut, 18. juni 1987-imeersukkut allannguuteqartinneqartumi § 21 naapertorlugu makkua aalajangersarneqarput:

**§ 1.** Naalackersuisut illulioriternermi oqartussaassuseqarput.

*Imm. 2.* Kommunalbestyrelsip Naalackersuisunut akisussaassuseqarlutik illulioriternermi oqartussaasutut suliassat najukkami innuttaasut akornanni isumagissavaat, tassunga ilanngullugit allaffissornermi nakkutillinermilu suliassat.

*Imm. 3.* Kommunalbestyrelsip illulioriternermi oqartussaanerup aqunneqarnerani suliassai pillugit maleruagassat "Illuliornermi Malittarisassat 2006"-imi (Illuliornermi Malittarisassat)

Naalackersuisut aalajangersassavaat, taannalu aamma Naalackersuisunit saqqummersinneqassaaq.

*Imm. 4.* Qallunaatut kalaallisullu oqaasertaat assigiingissuteqarpata, malittarisassat imaasa teknikkikkut paasiuminaannerat pissutigalugu qallunaatut allannera atuutissaaq.

**§ 2.** Nalunaarut atuutissaaq:

1) Nutaanik illulioriternermut aamma illulianik alliliinermut.

2) Illuliornermi malittarisassani aalajangersakkanut naleqqiullugu illuliani allanngortiterinermut allatullu allannguinerlut annertuumut.

3) Ikuallattoornissaq, isumannaallisaaneq peqqinnissarlu eqqarsaatigalugit illuliornermi teknikkikkut piumasaaqatinik allanik naammassinninnissamut pisariaqartitsiviusunik illuliat atorneqarnerinik allannguinerlut.

*Imm. 2.* Illulioriternermi oqartussaasup aalajangissavaa, imm. 1, nr. 2 naapertorlugu suna annertuutut isigineqassanersoq.

**§ 3.** Illuliat § 2-mi pineqartut kommunalbestyrelsimit sanaartornissamut akuersissuteqarfigineqartinnagit aallartinneqassanngillat. Kommunalbestyrelsip qinnuteqartoq paasissutissanik, qinnuteqaatip naliliiffigiinarnerani pisariaqartinneqartunik piumasaaqarfigisinnaavaa.

*Imm. 2.* Illuliat § 2-mi pineqartut kommunalbestyrelsimit akuersissuteqarfigineqartinnagit atorneqassanngillat.

**§ 4.** Kommunalbestyrelsip suliassamik suliarinninnermini nalunaarut illuliornermilu malittarisassani aalajangersakkat malinneqarnersut misissussavai.

*Imm. 2.* Kommunalbestyrelsip illuliornermi malittarisassat malillugit peqqussutit naammassineqarnersut, kiisalu illuliornermi malittarisassat malillugit atugassarititaasut akuersissutini aammalu immikkut akuersissutini aalajangersarneqarsimasut malinneqarnersut

misissussavai.

§ 5. Naalakkersuisut illuliornermi malittarisassani aalajangersakkat sanioqqullugit immikkut akuersissuteqarsinnaapput. Immikkut akuerineqarnissamut qinnuteqaat Ineqarnermut, Attaveqarnermut Aatsitassanullu Naalakkersuisoqarfimmut nassiunneqassaaq.

*Imm. 2.* Qinnuteqaatip paasissutissat makku imarissavai,

1) aalajangersakkat suut sanioqqunnissaannut immikkut akuerineqarnissamut qinnuteqaatigineqarnersut, kiisalu

2) illuliaq qanoq ittoq suliarineqartussat eqqarsaatigineqarnersooq.

*Imm. 3.* Kommunalbestyrelsi illuliassamut, illuliornermi malittarisassani portussusissatut ungasissusissatullu aalajangersakkanik sanioqqutsinissamut immikkut akuerineqarnissamik qinnuteqaateqarfiusumut tunngatillugu sanilinit attuumassuteqalersussanut tusarniaassuteqassaaq.

*Imm. 4.* Imm. 1 naapertorlugu immikkut akuersinissamut aalajangiinermi tunngavissat pigineqartut, tak. imm. 2 tunngavigineqassapput, tamannalu siusinnerpaamik pisinnaavoq kommunalbestyrelsip illuutit immikkut akuersissuteqarnissamik qinnuteqaatigineqartup sanilinit

nalunaarutigereerneraniit sapaatit akunnerisa pingasut ingerlareernerini, nalunaarutigineqassalluni

1) immikkut akuerineqarnissamik qinnuteqartoqartoq, aamma

2) oqaaseqaataasinnaasut sapaatit akunnerisa pingasut qaangiutinnginnerini kommunalbestyrelsimut nassiunneqarsinnaasut.

§ 6. Ineqarnermut, Attaveqarnermut Aatsitassanullu Naalakkersuisoqarfiup § 5, imm. 1 naapertorlugu aalajangiinera pillugu maalaarutit, kiisalu Ineqarnermut, Attaveqarnermut Aatsitassanullu Naalakkersuisoqarfiup illuliornermi malittarisassat naapertorlugit aalajangiinera pillugu maalaarutit Naalakkersuisunut ingerlateqqinneqarsinnaapput.

§ 7. Nalunaarut 1. september 2006-imi atortuulerpoq.

*Imm. 2.* Tamatumunnga peqatigitillugu Kalaallit Nunaanni illuliornermi oqartussaassuseq pillugu Namminersornerullutik Oqartussat nalunaarutaat nr. 24, 9. november 1987-imeersoq atorunnaarsinneqarpoq.

*Namminersornerullutik Oqartussat, ulloq 18. august 2006*

Jørgen Wæver Johansen

/

Dorthe Johannsen